



Federacija Bosne i Hercegovine

Bosna i Hercegovina

Tuzlanski kanton

**GRAD GRADAČAC**

H.K.Gradaševića 54, 76 250 Gradačac, telefon 035-369-750 fax. 035-369-751, e.mail: [opc.grad@bih.net.ba](mailto:opc.grad@bih.net.ba), [www.gradacac.ba](http://www.gradacac.ba)

## Gradonačelnik

Datum: 18.06.2020.god.

## Gradsko vijeće GRADA GRADAČAC

### **PREDMET: Informacija o provedenim aktivnostima na Projektu vodosnabdjevanja Gradačac ; Tender T4 ;komponenta Rekonstrukcija postojećih azbest cementnih cijevi, cijevi nedovoljnih profila i dotrajale mreže i izvori finansiranja**

Jedan od ciljeva Projekta je smanjenje gubitaka u vodovodnom sistemu.S tim u vezi pokrenute su aktivnosti na realizaciji projektne komponente Rekonstrukcija postojeće vodovodne mreže i objekata u Gradačcu (rekonstrukcija postojećih azbest cementnih cijevi, cijevi nedovoljnih profila i dotrajale mreže). Putem portala EBRD-a raspisan je tender za odabir najpovoljnijeg ponuđača (po pravilima EBRD-a) za izvođenje radova. Tender je zatvoren 14.05.2020.godine gdje se nakon evaluacija ponuda došlo do najniže prihvatljive ponude u iznosu od EUR 2.776.876,08 (za oba lota).Planirano je da radovi započnu u toku ljeta 2020. godine i budu okončani u naredne dvije godine.

Prijedlog konsultanata angažovanog na Projektu vodosnabdjevanja Gradačac po proceduri EBRD nakon izrade evaluacionog izvještaja jeste da se kroz postupak pregovaranja smanji obim radova te zaključi ugovor koji će zadovoljiti prihvaćene ciljeve Projekta od strane donatora WBIF-a i vremensku raspoloživost granta (naredne dvije godine). Za prijedlog konsultanta će trebati obezbjediti saglasnost EBRD-a.

**Razliku u odnosu na raspoloživi grant treba nadoknaditi iz drugih izvora finansiranja za period 2021-2022 godine (eventualno jedan dio u prvom kvartalu 2023).** Slijedeći prijedlog konsultanta Jedinica za implementaciju Projekta je prema raspoloživim informacijama procijenila da će nedostajati do cca EUR 400.000,00.

Grad Gradačac je u sklopu Trećeg poziva Investicijskog okvira za zapadni Balkan (zajednička inicijativa Evropske komisije i partnerskih međunarodnih finansijskih institucija) za sufinansiranje investicijskih projekata, koji je bio raspisan u julu 2017.godine, aplicirao sa projektom Vodosnabdjevanje grada Gradačac (komponenta Rekonstrukcija postojećih azbestnih cijevi, vodovoda nedovoljnog kapaciteta i dotrajale mreže u gradu Gradačac). Rok za dostavu aplikacije Direkciji za evropske integracije je bio 02.10.2017.godine.

Od strane Direkcije za evropske integracije, dana 29.05.2019.godine, dobili smo informacije da je Sekretarijat WBIF-a, potvrdio da nema prigovora na aplikaciju te da su za „Projekat vodosnabdjevanje Gradačac“, odobrena grant sredstva u iznosu od EUR 1.992.500.

EBRD je u januaru 2020 dostavio Nacrt ugovora o grantu ministarstvu finansija BiH,a zatim isto Ministarstvo dostavilo Federalnom ministarstvu finansija ,koje je u konačnici dostavilo Gradu Gradačcu isti na mišljenje u februaru 2020,na što je Grad Gradačac odmah dao svoju saglasnost u februaru 2020.

Što se tiče obaveze Grada Gradačac, Gradsko vijeće je na sjednici održanoj 03.04.2020.godine te Skupština JP „Komunalac“ održana dana 08.05.2020.godine, su jednoglasno prihvatili grant sredstva WBIF-a (donirana sredstva se moraju potrošiti na ispunjavanje ciljeva Projekta i utrošiti u ograničenom vremenskom roku, u protivnom postoji mogućnost da se otkáže grant ili se mora vratiti dio ili čitav grant).

Vlada FBiH donijela Odluku o davanju saglasnosti za prihvatanje granta na sjednici 05.06.2020.

Vijeće ministara je 21.05.2020.godine dalo saglasnost na Nacrt Ugovora o grantu između EBRD-a i BiH.

Predsjedništvo BiH donijelo Odluku o prihvatanju sporazuma sa EBRD-om na redovnoj sjednici 10.06.2020.

Trenutno se provode procedure vezano za potpisivanje supsidijarnih ugovora a najznačajniji je Ugovor o grantu između Bosne i Hercegovine i EBRD-a (koji je preuzeo obavezu implementacije finansijskih sredstava) čije potpisivanje zavisi od političke situacije u Bosni i Hercegovini, odnosno političkih dogovora na državnom nivou.Očekuje se da Ugovor o grantu ipak bude ubrzo potpisan,te bude prihvaćen kroz Parlament BiH,te subsidijarni ugovori potpisani između BiH-FBiH, FBiH-Grad Gradačac, te Grad Gradačac-Komunalac d.d.,i u konačnici grant sredstva postala efektivna/raspoloživa.

Obrađivač:

Gradska služba za urbanizam,investicije  
i komunalne

Predlagač:

Gradonačelnik  
Mr.sci. Edis Dervišagić



Bosna i Hercegovina  
Federacija Bosne i Hercegovine  
Tuzlanski kanton  
**GRAD GRADAČAC**

H.K.Gradaševića 54, 76 250 Gradačac, telefon 035-369-750 fax. 035-369-751, e.mail: [opc.grad@bih.net.ba](mailto:opc.grad@bih.net.ba), [www.gradacac.ba](http://www.gradacac.ba)

Prijedlog zaključka

Projekt Vodosnabdjevanja Gradačac ; Status tendera T4 ;

Komponenta: Rekonstrukcija postojeće vodovodne mreže i objekata u Gradačcu (rekonstrukcija postojećih azbest cementnih cijevi, cijevi nedovoljnih profila i dotrajale mreže) i izvori finansiranja

Član 1

Prihvća se informacija o statusu Projekt Vodosnabdjevanja Gradačac ; Status tendera T4.

Član 2

Zadužuje se Gradonačelnik i Gradska služba za budžet,privredu i finansije da u okviru DOB (dokumentu okvirnog budžeta) za period 2021-2023 godine kao i budžetu Grada Gradačca za 2021,2022,2023 godinu planira kapitalni izdatak za sufinansiranje radova na Rekonstrukciji postojeće vodovodne mreže i objekata u Gradačcu (rekonstrukcija postojećih azbest cementnih cijevi, cijevi nedovoljnih profila i dotrajale mreže u iznosu do 800.000,00 KM,uz uslov pravosnažnosti grant sredstava (1.992.500 EUR/3.896.991,28 KM) Investicijskog okvira za zapadni Balkan (WBIF) u cilju ispunjenja uslova grant sredstava.

Član 3

Ovaj zaključak će biti objavljen u „Službenom glasniku Grada Gradačac“.

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**GRAD GRADAČAC**  
**- Gradsko vijeće -**

Broj: \_\_\_\_\_ **PREDSJEDAVAJUĆI**

Datum: \_\_\_\_\_ godine

G r a d a č a c

***Kujraković Husein, prof.***

**GRADSKOG VIJEĆA**